

字林滬報

本館開設上海英租界二路馬路 上海零售每張大錢八文 外埠照遠近酌加寄費

禮拜二

寒暑表 ○昨日寒暑表最暖之時針高七十三度深涼之時低至六十五度

本館按照新章精印郵鈔附章仍從原價不加分文 ○本館於前年正月朔為始所接郵鈔印附章聯而下分一年四季為四卷精其板式可訂成載至本年夏季為止共得十卷并以另紙翻印上諭裝訂時可逐卷取以冠首久蒙閱報諸君所嘉許本日接印光緒十五年八月二十日未及印畢之郵鈔隨報分送並不加增分文閱者鑒之

本日附印花團錦簇樓詩輯仍從原價不加分文 ○本館承同人惠示新時愛印花團錦簇樓詩輯一編精其板式細加圈點聯而下六月二十三日第五卷印畢本日附印第六卷第十八頁於郵鈔後自此卷第一頁起每頁首幅敬錄醇親王九思堂詩以為模楷於詞壇伏希均鑒

法工部局告白 ○啓者茲於西歷十月一號起捐一切各店舖所用運貨撻車於本租界往來者按月捐洋一元五角於每月九號前當捐清毋得遲延仰各舖戶號家關心是事可也 法工部局大寫字房啓

辦正董宗伯延壽丹 ○本堂向來不惜重資精選地道正藥照方炮製男女同服益壽多子歷有年所四遠馳名凡售此丹者附送仿單一紙所用何藥丹價若干如何服法應服多少一切功效均於單內載明乃閱滬報有鄭福蘭堂者將本堂仿單前引數語前半畧增中後抄襲登報明知此單藥品應如何配合既經逐一開示原非不傳之秘且亦難禁他人製賣然易不自出心裁僞冒說得無上妙品本堂決不相與齟齬惟勸說影射深恐遠近士商賜顧誤認或即係本堂分出雖不必謂低貨假充非惟無益殊不知既為本堂世業未便任人竊取用亟辨正以垂久遠俾四方來售是月者咸知確有真偽不致魚目混珠幸甚幸甚今寄上海五馬路天祥洋行賬房出售 唐愷元堂芝松氏謹識

開平礦務總局 ○啓者本局現辦林西擬加股本已於八月十三日同眾議訂舊股每股加一股新股三股加一股均限十月底繳清以收銀之日起算加股利息如屆期未繳即照原議舊股則另招補足新股亦代辦海籌補以資措辦特此布達 唐廷樞啓

北洋大臣牙醫官柏賡士住上海二馬路第一號 ○柏賡士醫生現於華歷三月往天津奉北洋大臣李諭充牙醫官所有一切牙痛凡經醫治均立刻奏效倘因年老他故牙齒脫落或脫一齒或全脫用金皮象牙等托鑲好無異天生永遠不壞飲食如常茲暫回滬設 諸君欲醫治請即惠臨此布

論空屋起火

○租界向多火患近則十次之中八九起於空屋夫火無種何自而燃而空屋並無人居門加焉鑰安所得火種因有斷為匪徒希圖搶物乘間縱之者且說似矣顧私街小巷不必論至於衝衢大里居戶櫛比類皆屋有管門之人書則司開夜則司閉防閑嚴密匪徒何從窺迹且一里之內間有空屋亦不過一所兩所而已至其左右前後悉屬居人匪徒雖狡詭不畏人之聞見而乃公然拔其局啓其鑰肆意縱火而無不得志此則必有疏於典守以釀成之者矣雖謂空屋之火縱於管門人可也事後送之公堂以懲其疎忽之咎亦無不可也余向日持此論而或者告余曰否近聞租界之火有即為造屋工所縱者蓋工所之中好歹不一每日挾斧斤持帶至辛勞操作僅賺工資百十錢有省吃儉用積餘果寸待歸以養家口者亦有起小賭吸花烟擊朋軋友所入不敷出者凡有窮迫則惡心生千百有業之徒一轉移間即成無賴之輩流下忘返本甚捷速而其人又皆有黨羽有技倆有竹木材料引火之物鑽竅穴壁無所不能升高就低無所不便苟其不思作賊則已思作賊則必工於他易得間人家欲防匪徒宜自此輩始余初聞其言以為為工所之故穿屋入戶鮮有疑猜之者用是此輩之縱火尤早將驅而逐之何敢濫用以貽他患乃觀近日豐火火警每出於甫經造竣及方造未竣之新屋雖其間未始無疏忽遺火之事然亦可知前說之不盡無因矣前說不盡無因則知作頭於此亦不能無咎用人不知選擇一咎也臨事不知稽察二咎也剝削工食不知體恤匠徒使其因貧迫而為非三咎也夫今日租界作頭何一非擁據厚資趾高而氣揚者乎以其交遊之廣闊起居之泰侈似亦應循禮蹈義自顧場面而乃一任無賴工所之妄為全不約束